

Inatsisartunut Naalakkersuisunullu il.il. ilaasortat aningaasarsiaqartitaanerat il.il. pillugit Inatsisartut inatsisaat

Januaari 2018

Inatsisartuni Naalakkersuisunilu il. il. ilaasortat aningaasarsiaqartitaanerat il. il. pillugit Inatsisartut inatsisissaat nr. 22, 18. december 2003-meersoq

Inatsisartut inatsisaata nr. 1, ulloq 27. marts 2006-imeersup, Inatsisartut inatsisaata nr. 8, ulloq 1. juni 2006-imeersup, Inatsisartut inatsisaata nr. 2, ulloq 15. april 2011-meersup, Inatsisartut inatsisaata nr. 3, ulloq 3. juni 2015-imeersup aamma Inatsisartut inatsisaata nr. 10, ulloq 6. juni 2016-imeersup, aamma Inatsisartut inatsisaata nr. 42, ulloq 23. november 2017-imeersup malitsigisaannik allannguutitalik

Inatsisartuni Naalakkersuisunilu il. il. ilaasortat aningaasarsiaqartitaanerat il. il. pillugit Inatsisartut inatsisissaat nr. 22, 18. december 2003-meersoq, Inatsisartut inatsisaata nr. 1, ulloq 27. marts 2006-imeersup, Inatsisartut inatsisaata nr. 8, ulloq 1. juni 2006-imeersup, Inatsisartut inatsisaata nr. 2, ulloq 15. april 2011-meersup, Inatsisartut inatsisaata nr. 3, ulloq 3. juni 2015-imeersup, Inatsisartut inatsisaata nr. 10, ulloq 6. juni 2016-imeersup aamma Inatsisartut inatsisaata nr. 42, ulloq 23. november 2017 malitsigisaannik allannguutitalik

Inatsisartut Allattoqarfianit ataatsimut allanneqarlunilu saqqummersinneqartoq
Januaari 2018

Inatsisartuni Naalakkersuisunilu il. il. ilaasortat aningaasarsiaqartitaanerat il. il. pillugit Inatsisartut inatsisissaat nr. 22, 18. december 2003-meersoq, Inatsisartut inatsisaata nr. 1, ulloq 27. marts 2006-imeersup, Inatsisartut inatsisaata nr. 8, ulloq 1. juni 2006-imeersup, Inatsisartut inatsisaata nr. 2, ulloq 15. april 2011-meersup, Inatsisartut inatsisaata nr. 3, ulloq 3. juni 2015-imeersup, Inatsisartut inatsisaata nr. 10, ulloq 6. juni 2016-imeersup, aamma Inatsisartut inatsisaata nr. 42, ulloq 23. november 2017-imeersup malitsigisaannik allannguutitalik

Kapitali 1

Inatsisartuni ilaasortat:

Aningaasarsiat, aningaasartuuteqarnermut tapit, ineqarnermut tunngasut, angalanermi aningaasartuutit ilaqquttanillu ingiallorneqartarneq

§ 1. Inatsisartuni ilaasortat akissaatit inissisimaffiat 35 malillugu aningaasarsianik tapisianik tamanut atuuttunik ilasanik, skalali malillugu tamanut atuuttunik tapisiaqanngitsunik immikkullu tapi-sianik kr. 49.340-inik ukiumut tunngaviumumik aningaasartalinneq, ukiumut aningaasarsiaqartinneqassapput. Aningaasarsiat naatsorsorneqartassapput Kalaallit Nunaanni ilinniagartuut kattuffiata ASG-p tjenestemandit akissarsiaasa il.il. iluarsineqarnerannut isumaqatigiissutai qaqugukkulluunniit atuuttut tunngavigalugit.

Imm. 2. Inatsisartuni ilaasortatut atuunnermut atatillugu aningaasartuuteqarnermi matussutissanik soraarnerussutisiaqaataasussaanngitsunik ukiumut kr. 50.000-inik tapisiaqartitsisoqassaaq.

Imm. 3. Aningaasarsiat tapisiallu imm. 1 aamma 2-mi taaneqartut qaammammut siumoortumik

tunniunneqartassapput. Aningaasarsiat imm. 1-imi taaneqartut iluarsiivigineqartarnerisa AS-G-mut tunngasumi isumaqatigiinniartarnermi ineriartorneq malittaraat. Imm. 2 malillugu tapisiaq ukiumut ataasiarluni qaammatisiutit malillugit ukiorisap aallartinnerani nunatsinni akinut iluarsiiussut malillugu iluarsiivigineqartassaaq. Imm. 2 malillugu tapisiaq iluarsiivigineqarnera siulleq 2004-mi pissaaq.

Imm. 4. Inatsisartunut ilaasortat aalajangersimasumik Nuummi najugaqalerumasut, Inatsisartut aalajangersagaattut annertussusilimmik akiliummik akilerneqartussamik, ineqartinneqassapput. Inatsisartuni ilaasortanut Nuummi najugaqareersunut, Inatsisartunili atuunnerminnik aalussineq pissutigalugu suliffigisaminnik ilinniarnerminnilluunniit unitsitsisut taamaalillutillu atorfirmut atatillugu inigisaminnik ilinniar-tulluunniit ineqarfianni inigisaminnik qimatsisariaqartut pillugit aamma tamanna atuuppoq. Najukkamiit najukkamut nuunnermi aningaasartuutit atorfilinnut maleruagassat atuuttut malillugit matussusiivigineqartassapput, imaalillugilli, Inatsisartuni ilaasortap atuuffini ukiunit pingasunit sivikinnerusumik isumagisimagaluarpaguluunniit nuunnermi aningaasartuutit matussusiivigineqassallutik.

Imm. 5. Inissiat Inatsisartuni ilaasortanut atugassiissutigineqartut Inatsisartuni ilaasortaaneq atuukkunnaarpat qimanneqassapput.

Imm. 6. Piffissami ilaasortaajunnaarnerisiaqarfimmi imm. 4-mi akiliutit taaneqartumik akiliuteqarluni ineqartitsisoqassaaq. Piffissami ilaasortaajunnaarnerisiaqarnerup atorunnaarfiani kingusinnerpaamik qaammatip naanerani taamatut inigisaq qimanneqassaaq. Taamaattorli sinniisusssat, Inatsisartunut ilaasortamut taartaasut, ilaasortaajunnaarnerisiutit sivikinnerpaamik qaammatinut pingasunut tunniunneqarsimasutut isigalugit tamatigut pineqassapput.

§ 2. Inatsisartunut ilaasortaq ullormit qinerneqarfimmiit aningaasarsiaqartinneqalerlunilu aningaasartuuteqarnermut tapisiaqartinneqalissaaq. Ilaasortap allap toqunera Inatsisartunulluunniit ilaasortatut tunuavinnera pissutigalugu ilaasortaq atuutilersimappat, ullormiit atuutilersimmiit aatsaat aningaasarsiaqartitsisoqalissaaq. Aningaasarsiat aningaasartuuteqarnermullu tapisiat qaammatip Inatsisartuni ilaasortaajunnaarfiup naanerani atuukkunnaassapput.

Imm. 2. Inatsisartunit sulinnigiffeqarallartarnermut najuutinnikkallartarnermullu akuersisarnermut malittarisassanik Inatsisartut aalajangersaassapput.

Imm. 3. Aningaasarsiaqaataasumik sulinnigiffeqarallarsinnaaneq aatsaat akuersissutigineqarsinnaavoq Inatsisartunut ilaasortaq pissutissaqavilluni najuussinnaanngippat imaluunniit malittarisassat imm. 2 malillugu aalajangersarneqartut tassungalu assersuunneqarsinnaasut malillugit.

Imm. 4. Inatsisartunut ilaasortaq pisuni immikkorluinnaq ittuni aningaasarsiaqaataanngitsumik sulinnigiffeqarnissamut akuerineqarpat, ilaasortaq aningaasarsiaqartitaassanngilaq aningaasartuutinulluunniit tapiissutinik pisartagaqassanani, taamatullu aamma sulinnigiffeqarallarnep nalaani soraarnerussutisiasanun ilaasortaajunnaarnerisiutinulluunniit katersaqarsinnaanani.

Imm. 5. Inatsisartunut ilaasortaq Naalakkersuisunut ilaasortatut atuuffeqarniarluni sulinnigiffeqarallarnissamut akuerineqartoq, sulinnigiffeqarallarnep nalaani ilaasortaajunnaarnerisiutissanik katersaqarsinnaanngilaq.

§ 3. § 1, imm. 2-mi tapisiat Inatsisartuni ilaasortap Inatsisartuni ilaasortatut atuunnermini aningaasartuutigiunnagaanun matussutissaapput.

Imm. 2. Ilaasortanut Nuummi najugaqanngitsunut Inatsisartut ataatsimiinnerinut atatillugu angalaneq ineqarnerlu kiisalu ullormusiat tjenestemandinut maleruagassat atuuttut malillugit akiliussissutigineqassapput. Angerlarsimaffik qimallugu piffissami sivisunerusumi sulinermit il.il. ilanngaassisoqartassanngilaq.

Imm. 3. Qinnuteqaateqarneq tunngavigalugu Inatsisartut Siulittaasoqarfiannit Inatsisartulluunniit siulittaasuannit aalajangerneqarsinnaavoq ataatsimiititaliat ataatsimiinnerini ataatsimiititaliilluunniit angalanerini peqataanermi angalaneq ineqarnerlu kiisalu ullormusiat maleruagassat tjenestemandinut atuuttut naapertorlugit akiliussissutigineqassasut, kiisalu ullormusiaqartitsisoqassalluni.

3a. Qanigisamik toqusooqartillugu pinartumilluunniit napparsimasooqartillugu malittarisassat Namminersorlutik Oqartussani tjenestemandinut qaqugukkulluunniit atuuttut malillugit akiliunneqarluni angalasoqarsinnaavoq.

§ 4. Ilaasortanut Nuummi najugaqanngitsunut qaammatisiutit malillugit ukiut tamaasa ataasiarluni Inatsisartuni ilaasortap aapparisa Inatsisartut ataatsimiinnerannut atatillugu ingialluinnermi angalanermit ineqarnermullu akiliunneqartassaaq.

Imm. 2. Aappariinnermut naligitaassaaq inuit aqqisa allattorsimaffianni najugaqatigiittut

nalunaarsorneqarluni ukiumi ataatsimi inooqatigiinneq.

Imm. 3. Ilaasortanut Nuummi najugaqanngitsunut qaammatisiutit malillugit ukiut tamaasa ataasiarluni Inatsisartuni ilaasortap qitornai 18 inorlugit ukiullit angerlarsimaffimmi najugallit Inatsisartut ataatsimiinnerannut atatillugu ingialluinermi angalanermut ineqarnermullu akiliunneqartassapput.

Imm. 4. Inatsisartuni ilaasortaq Naalakkersuisuni ilaasortaajutigippat aapparisa qitornaaluunniit Inatsisartut ataatsimiinnerannut atatillugu ingialluinermi angalanermut ineqarnermullu akiliunneqassanngillat.

Inatsisartuni ilaasortat sinniisussaat:

Aningaasarsiat, aningaasartuuteqarnermut tapit, angalanermi aningaasartuutit ilaquttanillu ingiallorneqartarnej

§ 5. Inatsisartuni ilaasortat sinniisussaat Inatsisartuni ilaasortamut taartaaffitik ullut tamaasa aningaasarsiat § 1, imm. 1-imi taaneqartut 1/365-erarterutaannik aningaasarsiaqartinneqassapput. Aammattaaq sinniisussaq aningaasartuuteqarnermut tapisianik § 1, imm. 2-miittut 1/365-erarterutaannik tapisiaqartinneqassaaq.

Imm. 2. Aamma sinniisussaq § 3, imm. 2-mi maleruagassaq naapertorlugu angalanermut ineqarnermullu akiliunneqassaaq kiisalu ullormusiaqartinneqassalluni.

Imm. 3. Inatsisartut Siulittaasoqarfiannut qinnuteqarnej tunngavigalugu sinniisussap aapparisa qitornaalu angerlarsimaffimmi najugallit 18-it inorlugit ukiullit, sinniisussallu angajoqqaatut oqartussaaffigisai, Inatsisartut ataatsimiinnerannut, sinniisussap Inatsisartuni ilaasortaq taarserlugu piffissami sapaatip akunnerinit pingasunit sivilunerusumik ataatsimeeqataaffigisaanut ingialluinerminni angalanermut ineqarnermullu akiliunneqarsinnaapput. § 4, imm. 2 aamma taamatut atuutissaaq.

Kapitali 2

Inatsisartut siulittaasuat, Naalakkersuisut siulittaasuat Naalakkersuisunilu ilaasortat:

Aningaasarsiat, ineqarnermut tunngasut, ilassinninnermut aningaasartuutit, angalanermi aningaasartuutit ilaquttanillu ingiallorneqartarnej

§ 6. Inatsisartut siulittaasuat, Naalakkersuisut siulittaasuat Naalakkersuisunullu ilaasortat aningaasarsiat § 1, imm. 1-imi taaneqartut saniatigut akissaatit inissisimaffiat 38 malillugu aningaasarsianik tapisianik tamanut atuuttunik ilasanik ukiumut aningaasarsiaqartinneqassapput. Aningaasarsiat naatsorsorneqassapput tjenestemandit akissarsiaasa allallu iluarsiivigineqartarnerat pillugu ASG-mut isumaqatigiissut qaqugukkulluunniit atuuttoq aallaavigalugu.

Imm. 2. Inatsisartut siulittaasuannut Naalakkersuisullu siulittaasuannut kr. 120.930-nik immikkut tapisiaqartitsisoqassaaq.

Imm. 3. Naalakkersuisunut ilaasortanut Inatsisartunut ilaasortaannngitsunut Inatsisartunut ilaasortat aningaasarsiaasa § 1, imm. 1-imi taaneqartut annertoqataannik tapisiaqartitsisoqassaaq.

Imm. 4. Inatsisartut Siulittaasuat, Naalakkersuisut Siulittaasuat Naalakkersuisunullu ilaasortat ullormit atuutilerfimminniit qaammatip taamatut atuukkunnaarfiup naanissaata tungaanut aningaasarsiaqartinneqassapput. Imm. 1 - 3-mi taaneqartut aningaasarsiat tapisiallu iluarsiivigineqartarnerisa ASG-mi isumaqatigiinniuteqartarfimmi ineriartorneq malittaraat.

Imm. 5. Inatsisartut siulittaasuat Naalakkersuisullu siulittaasuat ineqartinneqassapput. Siulittaasut inigisap attartorneranut akiliisassanngillat, ukiumullu attartornerup kr. 48.000 kr-inik nalilerneqarnera tunngavigalugu akileraartinneqassallutik. Namminersorlutik Oqartussat inissianik ingerlatsinermut aningaasartuutit akilertassavaat. Inissianut atatillugu ingerlatsinermut aningaasartuutit isertitat akileraaruteqaataasussat naatsorsorneqarneranni ilaatinneqartassanngillat.

Imm. 6. Naalakkersuisunut ilaasortanut inissamik atugassiisoqassaaq. Ilaasortat Namminersorlutik Oqartussat atorfimmu atsumik pinngitsoorani inigisassatut inigitittagaanni ineqarnermut akiliutinik naatsorsuisarnermi maleruagassat qaqugukkulluunniit atuuttut 60%-iinik ineqarnermut akiliuteqartassapput.

Imm. 7. Procentip imm. 6-imi taaneqartup aamma sulisorisanut inissiamut ineqarnermut akiliutip tamakkiisup assigiinngissutaat inuit pineqartut isertitaasa akileraaruteqaataasussat naatsorsorneqarneranni ilaatinneqassanngillat.

Imm. 8. Inigisat imm. 5 aamma 6 malillugit atugassiisutiginneqartut atuuffiup naanerani qimanneqassapput. Inissiat pineqartut nutserfigineqarnerinut qimanneqarnerinillu atatillugu aningaasartuutit Namminersorlutik Oqartussanit matussuserneqartassapput.

Imm. 9. Piffissami ilaasortaajunnaarnerisuteqarfimmi utaqqiisaasumik ineqartitsisoqassaaq. Inissianut

Namminersornerullutik Oqartussat attartortittagaannut ineqarnermut akiliutit naatsorsorneqartarnerinut maleruagassat qaqugukkulluunniit atuuttut naapertorlugit ineqarnermut akiliuteqartoqartassaaq. Piffissaq ilaasortaajunnaarnersiuteqarfik naappat inigisaaq qimanneqassaaq.

Imm. 10. Napparsimaneq aamma qanigisap toquneranut napparsimarulunneranulluunniit atatillugu najuutinnginneq Naalakkersuisut Siulittaasuannut Naalakkersuisunullu ilaasortanut pissutissaqavilluni peqataannginnertut isigineqassaaq. Najuutinnginnermi Namminersorlutik Oqartussani kommuninilu tjenestemandinut malittarisassat qaqugukkulluunniit atuuttut malillugit akiliunneqarluni angalasoqarsinnaatitaavoq.

Imm. 11. Naartunermut, erninermut meeravissiarternermullu atatillugu sulinngiffeqarneq Naalakkersuisut Siulittaasuannut Naalakkersuisunullu ilaasortanut pissutissaqavilluni peqataannginnertut najuutinnginnertut isigineqassaaq.

§ 7. Inatsisartut siulittaasuata, Naalakkersuisut siulittaasuata Naalakkersuisunilu ilaasortat Lands-karsip akiligaanik ilassinninnermi aningaasartuuteqarsinnaatitaapput.

§ 8. Inatsisartut siulittaasuata, Naalakkersuisut siulittaasuata Naalakkersuisunilu ilaasortat Inatsisartut siulittaasuattut, Naalakkersuisut siulittaasuattut Naalakkersuisunilu ilaasortatut angalaneri Landskarsimit akilernerqassapput.

Imm. 2. Nerisaqarnermut ineqarnermullu aningaasartuutit kingusinnerusukku Nunatta Karsianit akilernerqartussanngorlugit akiligassaaq malillugu matussuserneqartassapput. Taamaattoq Inatsisartut siulittaasuata, Naalakkersuisut siulittaasuata kiisalu Naalakkersuisunut ilaasortat akiligassaaq malillugu matussusiinissamut taarsiullugu sulinermut atatillugu malittarisassat Namminersorlutik Oqartussani tjenestemandinut qaqugukkulluunniit atuuttut malillugit angalanernut atatillugu ajunngitsorsiasaqaqarnissartik toqqarsinnaavaat. Taamatut toqqaaneq qaammatisiutit ukiuat malillugu ukiumut ataatsimut siumut pituttuisuuvuq.

Imm. 3. Immikkut pissutissaqartillugu Inatsisartut siulittaasuata, Naalakkersuisut siulittaasuata Naalakkersuisunilu ilaasortat Inatsisartut siulittaasuattut, Naalakkersuisut siulittaasuattut Naalakkersuisunilu ilaasortatut suliaminnut atatillugu angalaneranni aapparisaat inooqatigisalluunniit angalaqatigineqarsinnaapput. § 8, imm. 2 aamma taamatut atuutissaaq.

Imm. 4. Naalakkersuisuni ilaasortap aapparisaanut Nuup avataani illoqarfigisaminiiginnarluni aalajangertumut qaammatisiutit malillugit ukiut tamaasa marloriarluni Nuummum angalanermut akiliussisoqartassaaq. § 4, imm. 2 aamma taamatut atuutissaaq.

Imm. 5. Aammattaaq Naalakkersuisuni ilaasortap qitornaanut 18-it inorlugit ukiulinnut Nuup avataani angerlarsimaffimmi najugalinnut qaammatisiutit malillugit ukiut tamaasa marloriarluni Nuummum angalanermut akiliussisoqartassaaq.

Kapitali 3

[Atorunnaarsinneqarpoq]

Kapitali 4

Ilaasortaajunnaarnersiat

§ 10. Inatsisartuni Naalakkersuisuniluunniit ilaasortatut atuuffimmit tunuarnermi pineqartup § 1, imm. 1 mi kiisalu § 6, imm. 1-3mi qaammammum isertittagaasa angeqataannik ilaasortaajunnaarnersiaqartitsisoqassaaq.

Imm. 2. Pineqartup katillugu piffissami atuuffigisimasaani ukiup atuuffiup aallartinneri tamaasa qaammatip aappaa qeqqanut naatsorsuullugit ilaasortaajunnaarnersiat tunniunneqartassapput.

Imm. 3. Naalakkersuisuni ilaasortatut tunuarnermi piffissaaq Naalakkersuisutut atuuffigisimasaq tunngavigalugu ilaasortaajunnaarnersiaqartitsisoqassaaq.

Imm. 4. Inatsisartuni ilaasortatut tunuarnermi piffissaaq Inatsisartuni ilaasortatut atuuffigisimasaq tunngavigalugu ilaasortaajunnaarnersiaqartitsisoqassaaq.

Imm. 5. Imm. 1 malillugu ilaasortaajunnaarnersiat sivikinnerpaamik qaammatinut pingasunut sivilunerpaamillu qaammatinut aqqaneq marlunnut, qaammammum siumoortumik, tunniunneqassapput.

Imm. 6. Inatsisartuni sinniisussaaq, piffissami sivilussusissaa aalajangigaanngitsumi Inatsisartuni ilaasortap atuuffianiilersoq, piffissap atuuffiup naanerani ilaasortaajunnaarnersianik, § 5, imm. 1, oqaaseqatigiit siulliit

malillugit, pineqartup ullormut aningaasarsiarisartagaasa aneqqataannik aningaasartallimmik tunineqassaaq. Sinniisussap piffissami sivisussusissaa aalajangigaanngitsumi Inatsisartuni ilaasortamut taartaaffigisimasaanut ilaasortaajunnaarnersiat tuniunneqassapput.

Ilaasortaajunnaarnersiat pineqartup ullut arfineq-pingasukkaarlugit atuuffigisaanut ullormut ataatsimut naatsorsuullugit tunniunneqassapput. Ilaasortaajunnaarnersiat qaammammut siumoortumik tunniunneqassapput.

Imm. 7. Ilaasortaajunnaarnersianik tunniussisoqareersimatillugu atuuffimmut pineqartumut ilaasortaajunnaarnersiaqarsinnaaneq sivikillineqassaaq. Ilaasortaajunnaarnersiat anginerpaaffissaannik tunniussisoqarsimappat atuuffimmut pineqartumut ilaasortaajunnaarnersiaqarsinnaaneq aningaasartaarutsinneqassaaq.

Imm. 8. Inatsisartuni sinniisussatut atuuffimmut ilaasortaajunnaarnersianik aamma Inatsisartuni ilaasortatut Inatsisartuniluunniit sinniisussatut atuuffimmut aningaasarsianik ataatsikkut tigusaqartoqarsinnaanngilaq, aamma atuuffinnut taakkununga marlunnut ilaasortaajunnaarnersiummik ataasiinnarmik tunniussisoqarsinnaavoq. Ilaasortaajunnaarnersiaqarnissaq atuuffinni piffissaq atuuffiusoq tamakkerlugu tunngavigalugu naatsorsorneqassaaq. Ilaasortaajunnaarnersiaq atuuffinni arlalinni piffissaq atuuffigisimasaq ataaseq tunngavigalugu tunniunneqartoq sivisunerpaamik qaammatinut 12-inut tunniunneqarsinnaavoq.

Imm. 9. Inatsisartut siulittaasuut Naalakkersuisuni ilaasortanut maleruagassat atuuttut naapertorlugit ilaasortaajunnaarnersiaqassaaq. Inatsisartut siulittaasuattut aamma Naalakkersuisuni ilaasortatut atuuffinnut ilaasortaajunnaarnersiuutinik aningaasarsianillu ataatsikkut pisoqarsinnaanngilaq, aamma atuuffinnut taakkununga marlunnut ilaasortaajunnaarnersianik ataasiinnarmik tunniussisoqarsinnaavoq. Atuuffinni piffissaq ataatsimut atuuffiusoq tunngavigalugu ilaasortaajunnaarnersiaqarsinnaaneq naatsorsorneqassaaq.

Imm. 10. Naalakkersuisut siulittaasuattut Naalakkersuisunulluunniit ilaasortatut ilaasortaajunnaarnersiaqartoqarsinnaanngilaq. Naalakkersuisut siulittaasuattut Naalakkersuisunulluunniit ilaasortatut ataasiinnarmik ilaasortaajunnaarnersiuteqartitsisoqarsinnaavoq. Atuuffinni piffissaq ataatsimut atuuffiusoq tunngavigalugu piffissami qanoq sivisutigisumi ilaasortaajunnaarnersiaqarsinnaaneq naatsorsorneqassaaq.

Kapitali 5

Apparisat qitornallu aningaasarsiaqartitaaneri ilaasortaajunnaarnersiaqartitaanerilu

§ 11. Inatsisartut siulittaasuata, Naalakkersuisut siulittaasuata, Naalakkersuisuni ilaasortap Inatsisartuniluunniit ilaasortap taamatut atuutsilluni toqusup aapparisaq qaammatinu pingasuni aningaasarsianik tiguisinnaatitaavoq. Qaammammut aningaasarsiat Inatsisartut siulittaasuata, Naalakkersuisut siulittaasuata, Naalakkersuisuni ilaasortap Inatsisartuniluunniit ilaasortap § 1, imm. 1 kiisalu § 6, imm. 1-3 naapertorlugit qaammammut isertittagaasa aneqqatigaat.

Imm. 2. Pineqartoq ilaasortaajunnaarnersianik tigusartagaqarsimappat piffissap ilaasortaajunnaarnersiaqarfiup sinnerani aapparisaq ilaasortaajunnaarnersianik tiguisinnaatitaavoq. Aapparisarli sivisunerpaamik qaammatinu pingasuni ilaasortaajunnaarnersianik tiguisinnaatitaavoq.

Imm. 3. Inatsisartut siulittaasuut, Naalakkersuisut siulittaasuut, Naalakkersuisuni ilaasortaap Inatsisartuniluunniit ilaasortaap aapparisaminik qimataqanngippat, aapparisarluunniit qimataasoq pineqartup aningaasarsianik ilaasortaajunnaarnersianilluunniit tiguisinnaatitaaffigisaani qaammatinu pingasut qaangiutinngitsut toquppat, qitornat 18 inorlugit ukiullit, ilaasortaajunnaarnersiuutinik tiguisinnaatitaasup toqunerani pineqartumit angajoqqaatut oqartussaaffigineqarpata, taakku aningaasarsiaqarsianik tiguisinnaatitaalerlutillu ilaasortaajunnaarnersianik tiguisinnaatitaallissapput.

Kapitali 6

Soraarnerussutisiaq

§ 12. Inunnut, Inatsisartunut, Naalakkersuisunut il.il. ilaasortat aningaasarsiaqartitaanerat il.il. Inatsisartut inatsisaat nr. 11 28. oktober 1993-imeersoq imaluunniit Inatsisartunut, Naalakkersuisunut il.il. ilaasortat aningaasarsiaqartitaanerat il.il. Inatsisartut inatsisaat nr.17 7. december 2001-imeersoq naapertorlugu, soraarnerussutisiaqarsinnaalersunut §§ 13-16imi maleruagassat malillugit soraarnerussutisiaqartitsisoqassaaq.

§ 13. Soraarnerussutisiaqarsinnaanermut tunngavigineqassaaq pineqartup Naalakkersuisuni ilaasortatut piffissami ataatsimi arlalinnilluunniit katillugit sivikinnerpaamik ukiumik ataatsimik sivisussusilimmik

ingerlatsisimanissaa, Inatsisartuniluunniit ilaasortatut piffissami ataatsimi arlalinniluunniit, katillugit sivikinnerpaamik ukiumik ataatsimik sivilissusilimmik ingerlatsisimanissaa.

Imm. 2. Pineqartoq 60-inik ukioqalersimappat, atuuffimmut aningaasarsianik ilaasortaajunnaarnerianilluunniit qaammatip tunniussiviup naanerani soraarnerussutisianik tunniussisoqassaaq, taamaattoqangippallu ukiut taakku anguneqarnerisa kingorna qaammatip ulluisa siulliannit.

Imm. 3. Ilaasorta q soraarnerussutisiaqarfigisaminut nutaamik atuuteqqilersoq, piffissami, aningaasarsianik ilaasortaajunnaarnerianilluunniit tunniussiviusumi soraarnerussutisiaqassanngilaq.

§ 14. Inatsisartuni ilaasortat soraarnerussutisiaasa ukiut atuuffiit aallartinneri tamaasa naatsorsuutigalugit atorfilittut atorfimmi akissaatit inissisimaffianni 31, skalatrin 44-mi soraarnerussutisiat qaffasinnerpaaffiattut anguneqartup 1/20-erai. Soraarnerussutisiat qaffasinnerpaaffissaat ukiut 20-it atuutereermermi anguneqassaaq.

§ 15. Inatsisartut siulittaasuata, Naalakkersuisut siulittaasuata Naalakkersuisunilu ilaasortat soraarnerussutisiaat ukiut atuuffigisat aallartinneri tamaasa soraarnerussutisiat, atorfilittut atorfimmi akissaatit inissisimaffianni 39, skalatrin 52-mit soraarnerussutisiat, tamanut atuuttumik tapisiat ilanngunnagit, soraarnerussutisiat qaffasinnerpaaffiattut anguneqartup 1/20-erai. Soraarnerussutisiat qaffasinnerpaaffissaat ukiut 20-it atuutereermermi anguneqassaaq.

§ 16. Apparisaamut qitornanullu soraarnerussutisiat maleruagassat tjenestemandinut atuuttut naapertorlugit tunniunneqassapput.

Imm. 2. §§-it 14, 15 aamma 16 imm. 1, malillugit soraarnerussutisiat maleruagassat tjenestemandinut atuuttut naapertorlugit iluarsiivigineqartassapput.

Imm. 3. Inatsisartut inatsisaanni taaneqartutut atuuffiit ilaannit ataatsimit ulloq 1. januar 2004 nallertinnagu inuk tunuarsimappat, atuuffimmullu tassunga atuuffinnilluunniit taakku ilaannut arlalinnut soraarnerussutisianik katersukkanik soraarnerussutisiaqarsinnaatitaappat soraarnerussutisiaqarpalluunniit, soraarnerussutisiat katillugit tunniunneqartut § 15 malillugu soraarnerussutisiarineqarsinnaasut qaffasinnerpaaffiattut taamaallaat angissuseqarsinnaapput.

Imm. 4. Inatsisartut inatsisaanni taaneqartunit atuuffimmit atuuffinnilluunniit arlalinnit inuk soraarnerussutisiaqartoq, ullorlu 1. januar 2004 nallertinnagu atuuffimmunit tunuarsimasoq, pisortani atorfimmit allamit aningaasarsiaqarsinnaatitaappat, akissarsiaqarsinnaatitaappat soraarnerussutisiaqarsinnaatitaappalluunniit, Inatsisartut inatsisaat una malillugu soraarnerussutisiai ilanngarneqassapput, taamaalilluni aningaasarsiat, akissarsiat soraarnerussutisiallu katillutik § 15, imm. 1 malillugu soraarnerussutisiarineqarsinnaasut qaffasinnerpaaffiattut taamaallaat angissuseqarsinnaanngorlugit.

Imm. 5. Inatsisartuni Naalakkersuisuniluunniit siusinnerusukkut ilaasortaasimasoq ulloq 1. januar 2004 nallertinnagu Inatsisartuni Naalakkersuisuniluunniit ilaasortatut atuuffimmunit tunuarsimappat, kingusinnerusukkullu Inatsisartunut Naalakkersuisunulluunniit qinigaappat, imm. 3 aamma imm. 4 atorneqassanngillat.

§ 17. Inatsisartut inatsisaata atortuulersinneqarnerani Inatsisartuni Naalakkersuisunilu ilaasortanut, aningaasarsiat il.il. pillugit Inatsisartut inatsisaat nr. 11 28. oktober 1993-imeersoq aamma Inatsisartuni Naalakkersuisunilu il.il. ilaasortatut aningaasarsiaqartitaanerit il.il. pillugit Inatsisartut inatsisaat nr. 17 7. december 2001-imeersoq naapertorlugit soraarnerussutianik aqqissuussinerit ulloq 31. december 2003 killigalugu katersukkatut inissinneqassapput.

Imm. 2. Soraarnerussutisiatut naafferartumik tunniunneqartartussatut, soraarnerussutisiatut inuuneq naallugu tunniunneqartartussatut, taakkunanngaluunniit ataqatigiissitsilluni tunniunneqartartussatut soraarnerussutisiaqalernissamut aqqissuussinerimik pilersitsisoqassaaq Inatsisartunut Naalakkersuisunulluunniit ilaasortat ataasiakkaat innersuussinerat malillugu. Soraarnerussutisiaqalernissamut aqqissuussineq, soraarnerussutisiaqalernissamut aningaasaateqarfimmi sillimmasiisarnermik ingerlatsineq pillugu inatsimmut ilaatinneqartumi, inuunermik soraarnerussutisiaqalernissamulluunniit sillimmasiisarnermik ingerlatseqatigiiffimmi sillimmasiisarnermik ingerlatsinissamut aningaasaqarnermik nakkutilliisoqarfimmit Finanstilsynimiit akuerineqarsimasumi, imaluunniit aningaaserivimmi Kalaallit Nunaanni angerlarsimaffilimmi aalajangersimasumilluunniit ingerlatsivilimmi nunamilu maani aningaaseriveqarnermik ingerlatsinissaminut Finanstilsynimit akuerineqarsimasumi, pilersinneqassaaq. Inatsisartunullu Naalakkersuisunulluunniit ilaasortat atuuffimminnut ullormi ivertitaanerminni 50-inik ukiullit soraarnerussutisiassanut akiliutinik isertitattut

nalinginnaasumik akileraarusigassanik imm. 3-mi taaneqartunik tunineqarumallutik toqqaasinnaapput.

Imm. 3. Imm. 2-mi soraarnerussutisiaqarnermik aaqqissuussinermut taaneqartumut Inatsisartuni Naalakkersuisuniluunniit ilaasortap ataatsip aningaasarsiaasa 10%-iinik ingerlaavartumik tunniussisoqartassaaq. Aammattaaq Inatsisartuni Naalakkersuisuniluunniit ilaasortap ataatsip aningaasarsiaasa 5%-iinik ingerlaavartumik ilanngaassuisoqartassaaq. Aningaasat ilanngaatigineqartartut tassaapput Inatsisartuni Naalakkersuisuniluunniit ilaasortap soraarnerussutisiaqarnermik aaqqissuussinermut imm. 2-mi taaneqartumut nammineerluni akiliutai.

Imm. 4. Sinniisussat, Inatsisartunut ilaasortamut taartaasut, imm. 2-3-mi pineqartutut soraarnerussutisianik aaqqissuussinerni ilaatinneqanngillat. Imm. 3-mi taaneqartutut soraarnerussutisianut akiliut taarsiullugu isertitatut nalinginnaasumik akileraarusigassatut tunniunneqassaaq.

Kapitali 7

Inatsisartuni ilaasortaangitsut ataatsimiititaliani, nævnini, sinniisoqarfinni taamaaqataannilu peqataaneri

§ 18. Inatsisartuni ilaasortaangitsunut ataatsimiititaliani, nævnini sinniisoqarfinnilu Namminersorlutik Oqartussat sinnerlugit atuuffimmik isumaginnittunut ullormut ataatsimut aningaasarsianik § 1, imm. 1-imi taaneqartut 1/365erarterutaannik aningaasarsiaqartitsisoqassaaq. Aammattaaq najugarisaq qimallugu ataatsimiinnermut peqataanermi angalanermut ineqarnermullu akiliussisoqassaaq kiisalu ullormusianik maleruagassat tjenestemandinut atuuttut naapertorlugit tunniussisoqartassaaq.

Imm. 2. Imm. 1, oqaaseqatigiit siulliit naapertorlugit aningaasarsiaqartitsinermut taarsiullugu Inatsisartunut ilaasortaangitsut ataatsimiititaliani, aalajangiisartuni sinniisoqarfinnilu imm. 1-imi taaneqartuni siulittaasutut ilaasortatulluunniit immikkut artornassusilinnik atuuffeqartut immikkut aningaasarsiaassaannik Naalakkersuisut aalajangersaasinnaapput.

Kapitali 8

Piginnaatitsissut

§ 19. Inatsisartut Siulittaasoqarfiat, naalakkersuisunullu ilaasortat pineqartillugit Naalakkersuisut, Inatsisartunut ilaasortat Naalakkersuisunullu ilaasortat eqqarsaatigalugit Inatsisartut inatsisaat manna malillugu malittarisassanik erseqqinnerusunik aalajangersaasinnaapput.

Kapitali 9

Atortuulersitsineq il. il.

§ 20. Inatsit una ulloq 1. januar 2004-imi atortuulissaaq.

Imm. 2. Tamatuma peqatigisaanik Inatsisartut inatsisaat nr. 11 ulloq 28. oktober 1993-imeersoq Inatsisartunut, Naalakkersuisunut il. il. ilaasortat aningaasarsiaqartitaaner at il.il. kiisalu Landsrådimut, Inatsisartunut, Naalakkersuisunut il. il. ilaasortaasimasut soraarnerussutisiaqartinneqarnerat pillugu inatsit aamma Inatsisartut inatsisaat nr. 17 ulloq 7. december 2001-imeersoq Inatsisartunut Naalakkersuisunullu il. il. ilaasortat aningaasarsiaqartitaaner at il. il. pillugit inatsit atorunnaarsinneqarput.

Imm. 3. Taamaattorli Kalaallit Nunaata Landsrådanut aamma Kalaallit Nunaata Landstingianut sivisuumik ilaasortaasimasunut soraarnerussutisiaqartitsinermik aaqqissuussineq pillugu Landstingip inatsisaani nr. 3-mi ulloq 16. maj 1979-imeersumi ("Ataqqinaammik tunissutisisitsisarneq pillugu inatsit") aamma Landsstyremut il. il. ilaasortaasimasunut soraarnerussutisiaqartitsineq pillugu landstingip inatsisaani nr. 7-imi ulloq 14. juli 1982-imeersumi kiisalu Kalaallit Nunaanni Naalakkersuisunut, Landsrådimut, Inatsisartunut il.il. ilaasortaasimasut soraarnerussutisiaqartinneqarnerat pillugu Inatsisartut inatsisaat nr. 4 9. juni 1986-imeersoq maannakkut tunniuttakkat piginnaatitaaffiillu maannamutut angissuseqarlutik, maleruagassallu maannamut atuuttut malillugit, aalajangersakkat taakku malillugit piginnaatitaaffiit taakku atuukkunnaarnissaasa tungaanut, tunniunneqassapput.

Inatsisartunut Naalakkersuisunullu ilaasortat aningaasarsiaqartitaaner at il.il. pillugit Inatsisartut inatsisaata allangortinneqarneranik Inatsisartut inatsisaat nr. 1, 27. Marts 2006-imeersoq (Soraarnerussutisiatut

naafferartumik tunniussassatut imaluunniit inuuneq naallugu soraarnerussutisiatut ilusilerlugit soraarnerussutisiaqartitsinermik aaqqissuussineq kiisalu ukioqortuneq pissutigalugu soraarnerussutisiassanut akiliutinik tunniussinissamut periarfissaq. Inatsisartunut ilaasortanut sinniussat soraarnerussutisianut akiliutaat. Inatsisartunut ilaasortat ineqarnerat), §§-inut 1 aamma 17-imut tunngasoq, atuutilersitsinermut aalajangersakkamik imaattumik imaqarpoq:

§ 2

Inatsisartut inatsisaat ulloq 1. april 2006 atuutilissaaq. Inatsisartunut Naalackersuisunulluunniit ilaasortat inatsisip atuutilerfia sioqqullugu atuuffimminnut ivertinneqartut ulloq 1. januar 2004 kingusinnerusukkulluunniit 50-nik ukioqalersimagunik § 17, imm. 2-mi taaneqartutut tunniussinissamut periarfissamik atuiumallutik toqqaasinnaapput.

Naalackersuinikkut sulinermit aningaasatigut tapiissuteqartarnej pillugu Inatsisartut inatsisaata allangortinneqarneranik Inatsisartut inatsisaat kiisalu Inatsisartunut Naalackersuisunullu ilaasortat aningaasarsiaqartitaanerit il.il. pillugit Inatsisartut inatsisaata allangortinneqarneranik Inatsisartut inatsisaat nr. 8, 1. juni 2006-imeersoq (Partiinut tapiissutit qaffanneqarneri tunngaviusumillu tapiissutinik agguataarisarnej aammalu qinikkamut tapiissutit, kiisalu Inatsisartunut ilaasortat inatsisikkut piginnaatitaaffiusumik ataasiakkaarlutik paasisassarsiorlutik angalasarnerinik atorunnaarsitsinissaq), § 3-mut tunngasoq, atuutilersitsinermut aalajangersakkamik imaattumik imaqarpoq:

§ 3

Inatsisartut inatsisaat ulloq 1. juni 2006 atuutilissaaq. 2006-ip sinneranut naalackersuinikkut sulinermit tapiissutit qaffaataanik qinnuteqaatit kingusinnerpaamik ulloq 1. august 2006 tunniunneqassapput.

Inatsisartuni Naalackersuisunilu il.il. ilaasortat aningaasarsiaqartitaanerit il.il. pillugit Inatsisartut inatsisaata allangortinneqarneranik Inatsisartut inatsisaat nr. 2, 15-aprilimeesoq 2011 (Atorfimmut atatillugu ineqartinneqarnej, angalanernut aningaasartuutit, ilaasortaaajunnaarneriutit, sulinngiffeqarnerit allatullu peqataanninnerit kiisalu ataatsimiititalianut aalajangiisartunullu (nævninut) ilaasortat aningaasarsiaqartitaanerit pillugit malittarisassanik allanngineq), §§-inut 1, 2, 3, 6, 8, 10, 18 aamma 19-imut tunngasoq, tamatumalu saniatigut kapitali 3-mik atorunnaarsitsiviusoq inatsimmilu taaguutinik namminersorneq pillugu inatsimmut naapertuuttunngortitsiviusoq atuutilersitsinermut aalajangersakkamik imaattumik imaqarpoq:

§ 2

Inatsisartut inatsisaat ulloq 1. juni 2011 atuutilerpoq.

Inatsisartunut Naalackersuisunullu il.il. ilaasortat aningaasarsiaqartitaanerit il.il. pillugit Inatsisartut inatsisaata allangortinneqarneranik Inatsisartut inatsisaat nr. 3, 3. juni 2015-imeersoq (Inatsisartunut ilaasortat il.il. sulinngiffeqarallarsinnaanerannut il.il. malittarisassanik Inatsisartut aalajangersaanerat), § 2-mut, § 3a-mut aamma § 6-imut tunngasoq, atuutilersitsinermut aalajangersakkamik imaattumik imaqarpoq:

§ 2

Inatsisartut inatsisaat una ulloq 1. juli 2015 atuutilerpoq.

Inatsisartunut Naalakkersuisunullu il.il. ilaasortat aningaasarsiaqartitaanerat il.il. pillugit Inatsisartut inatsisaata allangortinneqarneranik Inatsisartut inatsisaat nr. 10, 6. juni 2016-imeersoq (Aningaasarsiaqartitaanerup aallartiffia), § 2, imm. 1-imut, aamma § 6, imm. 4-mut tunngasoq, atuutilersitsinermut aalajangersakkamik imaattumik imaqarpoq:

§ 2

Inatsisartut inatsisaat ulloq 1. juli 2016 atuutilissaaq.

Inatsisartuni Naalakkersuisunilu il.il. ilaasortat aningaasarsiaqartitaanerat il.il. pillugit inatsisartut inatsisaata allangortinneqarneranik Inatsisartut inatsisaat nr. 42, 23. november 2017-imeersoq (Inatsisartunut ilaasortanut Naalakkersuisunullu ilaasortanut soraarnerussutisiaqarnissamik aaqqissuussinerit), § 17, imm. 3-mut tunngasoq, atuutilersitsinermut aalajangersakkamik imaattumik imaqarpoq:

§ 2

Inatsisartut inatsisaat ulloq 1. januar 2018 atuutilerpoq.

Inatsisartut

www.inatsisartut.gl
inatsisartut@inatsisartut.gl